



COMUNU DE SÌNNIA
TZITADI METROPOLITANA DE
CASTEDDU

PARCO DELLE RIMEMBRANZE - 09048 - SÌNNIA (CA)

DELIBERATZIONI DE SA GIUNTA COMUNALI

N.10 DE SU 15/02/2021

OGETU: L.R. 28/97 - APROVATZIONI CONSUNTIVU DE SA SCOLA TZÌVICA DE MÙSICA PO S'ANNU CORSUALI 2019/2020

S'annu 2021 sa dii 15 de su mesi de Friàrgiu a is oras 11.15 e sighidoras, me is maneras previdias de su decretu sindacali n.6 de su 30/03/2020: "medidas de impiticamentu de s'emergèntzia epidemiològica de COVID-19 - Acorradas de su Cunsillu e de sa Giunta in videocunferèntzia. Trasparèntzia e arrastrabilidadi", s'est acorrada sa Giunta Comunali me is personas de is Sinnoris:

<i>Nòmini e sangunau</i>	<i>Càrriga</i>	<i>Presenti</i>
Tarcisio Anedda	Sìndigu	Eja
Sarigu Marta	Assessori	Eja
Orrù Francesco	Assessori	Eja
Cariello Giuseppina	Assessori	Eja
Melis Giuseppe	Vice Sìndigu	Eja
Moriconi Alessandra	Assessori	Eja

Presentis 6

Ausentis 0

Presiedit su Sìndigu Tarcisio Anedda.

Nci pigat parti su Segretàriu Generali Dotoressa Pioppo Lucia.

Su donat àutu, in prus, chi is participantis a sa setziada tenint totus trastus e sistemas informàticus bonus po assegurai custu arreconoscimentu e su resguardu màssimu de s'acorrada.

Averiguada sa legalidadi de sa setziada, su Presidenti cumbidat a is componentis de sa Giunta de deliberai apitzus de sa propònnida chi ddoi est in s'ogetu.

SA GIUNTA COMUNALI

SCRUCULLADA sa propònnida alliongiada de deliberatzioni chi ddoi est in s'ogetu;

BIUS su parri favoràbili de su Responsàbili de su Setori imbordigau castiendi a sa regularidadi tènnica e su parri favoràbili de su Responsàbili de su Setori Econòmicu Finanziàriu e Tributis cunforma a sa regularidadi contàbili, amostaus cunforma e po is efetus de su cumbinau apariciau de is art. 49 e 147 bis de su Decretu Legislativu 18 de austu 2000 n. 267 e ss.mm., cumentis amostaus cun atestatzionis specifìcas asuta de custu provedimentu;

CUNSIDERAU de depi traballai po custa tarea;

CUN VOTATZIONI UNÀNIMI, donada de manera crara;

DELÌBERAT

De aprovai sa propònnida de deliberatzioni alliongiada nùmeru 12 de su 05/02/2021 chi tenit cumentis ogetu: L.R. 28/97 - APROVATZIONI CONSUNTIVU DE SA SCOLA TZÌVICA DE MÙSICA PO S'ANNU CORSUALI 2019/2020, chi fait parti integranti e de fundòriu de custu provedimentu.

Castiendi s'apretu amostau in sa propònnida de sa premissa, cun votatzioni scongiuntada e unànimi, decrarat custa deretu esecutàbili cunforma a s'art. 37 comma 2 de sa lei regionali 4 de friàrgiu 2016 n.2.



COMUNU DE SÌNNIA
TZITADI METROPOLITANA DE
CASTEDDU

PARCO DELLE RIMEMBRANZE - 09048 - SÌNNIA (CA)

Propònnida de Deliberatzioni de sa Giunta Comunali

OGETU: L.R. 28/97 - APROVATZIONI CONSUNTIVU DE SA SCOLA TZÌVICA DE MÙSICA PO S'ANNU CORSUALI 2019/2020

Propònnida n°.12 de su 05/02/2021

SA GIUNTA COMUNALI

PREMÌTIU CHI in Sìnnia traballat sa Scuola Tzìvica de Mùsica “G. Verdi” gestia de manera assotziada de is Comunas de Sìnnia, cabufila, Sètimu, Maracalagonis, Partiolla;

BIA sa L.R. 28/97 rubricada “Interbènnida a profetu de sa istitutzioni de scolas tzìvicas de mùsica” chi in s’art. 1 disponit: Cun sa tarea de pigai parti a sa spratzinadura in totu su territòriu regionali intreu de s’imparamentu musicali, cumentu elementu de fundòriu po sa crescidura culturali, sotziali e intelletuali de is picocus, s’Aministratzioni regionali apariciat a sa istitutzioni de unu fondu chi tenit sa tarea de finantziai a is Comunas, a sa sola o assotziaus chi:

- bolint apariciat scolas tzìvicas de mùsica;
- ant giai apariciat e fundau scolas tzìvicas de mùsica o funt fendi is stremus arrechèdias po sa apariciadura de cussas scolas;
- amostant unu progetu, de cumpriri in su sìtiu de is scolas tzìvicas de mùsica, cun sa tarea de sa prebènnida de su incòmudu minorili e chi tenit a su mancu cinqu disciplinas strumentalis.

ARREGORDAU s’art. 2 de sa pròpia lei chi narat, po cussu chi pertocat a is maneras de entrega de is finantziamentus, chi “is finantziamentus funt entregaus in sa medida de su 90 po centu po su primu annu scolàsticu e de su 80% po is annus scolàsticus sighidoris, de is gastus chi su Comune at tentu diaderus, a sa sola o assotziaus, pois iniziativa cunforma a s’artìculu 1.

BIA sa deliberatzioni de sa Giunta regionali n. 50/30 de su 10/12/2019 chi at aprovau su programa de is interbènnidas chi pertocant a sa entrega de is agiudus po su finantziamentu de is scolas tzìvicas de mùsica po s’annu scolàsticu 2019/2020, cun s’entrega a su Comune de Sìnnia de unu agiudu de €. 76.3030,00 dinai distinau po aguantai is gastus po sa programatzioni de is atividadi de sa scola sighendi is maneras amostadas in sa L.R. n. 28/1997 e chi pertocat a su 80% de su tanti intreu mìnimu de € 95.378,75 de is gastus de funtzionamentu de sa scola po s’annu scolàsticu de riferimentu (2019/2020);

PIGAU ÀUTU chi sa L.R. numenada cumandat a is Entis beneficiari de pigai parti cun unu tanti de a su mancu su 20%, est a nai unu mìnimu de € 19.075, 75 arrechèdiu po lompi a su gastu mìnimu indispensàbili po s’arrecconoscimentu de s’agiudu regionali;

ARREGORDADA sa noda imbiada po parti de s'Assessorau de sa Istruzioni Pùblica, Benis Culturalis, Informatzioni, Spetàculu e Sport, acrarada a su protocollu generali de s'enti cun su nùmeru 967 de su 14/01/2020, chi naraiat sa entrega de s'agiudu sighendi is trèminis arregordaus innoi apitzus;

PIGAU ÀUTU CHI, castiendi sa noda RAS numenada, s'est fatu sciri, cun noda nosta prot. 1729 de su 23/01/2020 s'arricida formali de s'agiudu R.A.S. aguali a € 76.3030,00;

ARRICIU su verbali de su Cunsillu de Aministrazzioni de sa Scola Tzìvica de Mùsica n. 08 de su 22/01/2021 aundi su C.d.A. de sa Scola at aprovau su rendicontu consuntivu po s'annualidadi 2019/2020 a aparixu de intradas e bessidas aguali a € 142.712,00 de custas € 76.303,00 a balli apitzus de s'agiudu cunforma a sa L.R. n° 28/97;

BIA sa L.R. 15.10.97 n° 28;

CUNSIDERAU de depi sighiri ainnantis in custa allega;

BIUS su parri favoràbili de su Responsàbili de su Setori cumpetenti castiendi a sa regularidadi tènnica e su parri favoràbili de su Responsàbili de su Setori Econòmicu Sotziali castiendi a sa regularidadi contàbili, amostaus cunforma e po is efetus de s'artìculu 49 de su Decretu Legisladori 18 de austu 2000, n° 267 e postus asuta de custu provedimentu;

DELÌBERAT

De aprovai su rendicontu de is gastus, aici cumentis previdiu de s'art. 2, comma 2 de sa L.R. 28/1997, adelantau de sa Scola Tzìvica de Mùsica de S'innia tentas in s'annu 2019/2020, serrau de aparixu po unu tanti intreu de € 142.712,00 cumentit de prospetu alliongiu a custa deliberatzioni po ndi fai parti integranti e de fundòriu;

De cumpriri a entregai sa documentatzioni chi pertocat a su rendicontu, cunforma a sa L.R. 28/97, a sa Regioni Autònoma de Sardìnnia cun sa tarea de sa entrega de s'agiudu arriciu de € 76.303,00 de is calis € 61.042,40 giai imbiaus a sa Tesoreria Comunali;

S'Istrutori: *Lai Rita*

Su Responsàbili de Setori
F.au de manera digitali **Monica Piroddi**